

CYNGOR CYMUNED CRYMYCH - CRYMYCH COMMUNITY COUNCIL

Clerc: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 01/02/2024

Pwynt Agenda	Prif drafodaeth	Pwyntiau Gweithredu
1. Croeso ac Ymddiheuriadau	Presennol Aled Johnston, Bill Davies, Cris Tomos (Cadeirydd), Eirlys Twigg, Emyr Thomas, Melony Richards, Robin Davies, Roger Howells Bethan Williams (Clerc) Ymddiheuriadau Hywel Lewis Dymunwyd gwellhad buan a phob dymuniad da i Hywel Lewis ar ôl ei driniaeth.	
2. Cofnodion cyfarfod blaenorol – Cynnig ac eilio	Cynigiodd Bill eu bod yn gywir, eiliodd Roger ac fe'u derbyniwyd fel cofnod cywir.	
3. Materion yn codi o'r cofnodion	(i) Camera wrth y tŷ bach • Mae'r camera wedi ei brynu ond mae angen cysylltu eto i drefnu ei osod. • Bydd modd cael TAW yn ôl heb gofrestru ar gyfer TAW (ii) Sunny Hill • Mae Cyfoeth Naturiol Cymru wedi cofnodi'r achos a bydd swyddogion yn ymweld y tro nesa byddan nhw yn yr ardal. • Mae angen cysylltu eto gyda'r heddlu (iii) Rhandiroedd • Mae cytundeb wedi mynd at y rhan fwya sydd â rhandir ond mae	Dilyn Ian gyda Fix IT

	angen trefnu copi i rai o hyd. • Mae coed ar ymyl y rhandiroedd, os byddai coeden yn cwmpo gallai fwrw'r sied, a gallai rhywun gael anaf. Mae angen cael pris am dorri'r coed • Mae angen edrych hefyd os yw'r polisi yswiriant yn cyfro coeden yn cwmpo (iv) Golau Canolfan Iechyd • Nodwyd yn y cyfarfod diwethaf na doedd pob golau wrth Ganolfan Iechyd yng Nghrymmych yn gweithio. Does dim diweddariad. (v) Tai Fferm Villa • O'r 41 o dai bydd 21 ar gael o dan gynllun rhan-berchnogaeth, mae'n gallu bod yn fwy anodd cael morgais os oes unrhyw amodau ar y tŷ felly gallai hynny fod yn broblem. • Bydd mwy o wybodaeth am brisiau ac ati tua diwedd Chwefror a bydd swyddog yn gweithio yn benodol ar y datblygiad yma gan Barcud ac yn gallu cynghori a rhannu gwybodaeth am y datblygiad. • Mae disgwyl y bydd blaenoriaeth i bobol â chysylltiad lleol. • Cytunwyd bod angen mwy o wybodaeth a ffigurau ar gyfer y tai er mwyn i'r cynghorwyr allu annog pobl lleol i roi eu henw ar y rhestr ar gyfer y tai.	Bethan i edrych ar y polisi i weld a ydy'r rhandiroedd wedi eu cynnwys yn y polisi yswiriant. Bethan i ddilyn Ian gyda Shôn am olau'r Ganolfan Iechyd Bethan i wahodd rhywun o Barcud i ddod i gyfarfod y Cyngor Cymuned
4. Gohebiaeth	(i) Kids Cancer Charity • Daeth cais am gyfraniad ariannol • Gan fod hon yn elusen genedlaethol a'n bod ni'n cefngoi elusennau ac achosion lleol cytunwyd i beidio cyfrannu. • Byddwn ni'n ymateb i esbonio hynny. (ii) Paul Sartori • Daeth cais am gyfraniad ariannol	

	- Nodwyd bod y cyngor wedi rhoi cyfraniad yn ystod y flwyddyn ariannol yma, ond y bydd y cyngor yn hapus i gyfrannu yn y flwyddyn ariannol nesaf. - Cytunwyd i ymateb i ddweud y byddwn ni'n cyfrannu yn y flwyddyn ariannol nesaf.	
5. Ariannol	(i) Datganiad banc Rhagfyr - Roedd £21,501.34 yn y banc ar ddiwedd mis Rhagfyr (ii) Datganiad banc Ionawr - Roedd £19,037.00 yn y banc ar ddiwedd mis - Nodwyd bod biliau trydan Maes parcio Hermon, sy'n rhoi trydan i'r Men's Shed, yn uchel a bod angen gofyn am gyfraniad. - Cytunwyd hefyd bod angen edrych tariff ac edrych a oes cwmni arall fyddai'n cynnig cyfradd gwell.	Robin i edrych mewn i ddarparwyr trydan eraill
6. UFA	(i) Grant Gofalwyr - Mae'r Cyngor Cymuned wedi derbyn grant ar y cyd â PAVS i redeg cynllun i ofalwyr di-dâl fynd i Stiwdio Hermon i gymryd rhan mewn gweithgareddau er mwyn cael "respite". - Mae sawl un wedi cael budd o'r sesiwn gyntaf. - Cafwyd sylw yn y wasg ac mae Eluned Morgan wedi ei gwahodd i ymweld. Byddai cyfle i'w holi am yr ymatebydd cyntaf yr un pryd petai hi'n ymweld. (ii) Clwb Busnes - Fe wnaeth y Clwb Busnes gwrdd eto ac mae wedi cytuno i greu calendr o ddigwyddiad dros y Haf er mwyn i bobl wybod beth sy'n digwydd. - Nodwyd bod y noson siopa hwyr wedi bod yn llwyddiant ond mae angen meddwl sut i godi anian ar gyfer digwyddiadau fel hyn a thaflenni - Mae angen penodi Swyddog Cyswllt Busnes, ac angen rhoi swydd-	

	ddisgrifiad ar agenda y cyfarfod nesa. (iii) Menshed • Mae'r Menshed wedi gofyn i'r Cyngor Cymuned edrych am grantiau i roi cyswllt dŵr ei hun i'r Menshed. Mae rhai sydd newydd gael rhandir wedi gofyn a oes dŵr ar gael hefyd. • Cytunwyd bod angen mwy o wybodaeth ond nad oedd gwrthwynebiad i roi cyflenwad dŵr i mewn, mewn egwyddor. (iv) Digger mewn i barc Mr Benson yn Hermon • Rhoddodd un o drigolion Hermon wybod bod digger wedi bod mewn parc ochr draw Taylor's Row yn Hermon. • Rhoddodd Cris wybod i'r perchennog a wnaeth gadarnhau ei fod wedi trefnu rhywun i ymchwilio i ddraenio'r tir. (v) Arwydd Dim Cŵn • Mae'r arwydd dim cŵn wedi mynd o barc chwarae Maes Meigan. • Awgrymwyd bod angen arwydd parhaol, a bod angen arwydd ar dop y feidir yn ogystal ag wrth y parc. (vi) Draeniau Maes Meigan • Mae angen clirio draeniau Maes Meigan eto (vii) Torri clawdd • Mae clawdd yn dod mas i'r rhewl ar y troad wrth Bantyderi a Nantgwyn ac angen ei dorri gan ei bod yn anodd gweld heibio'r clawdd. (viii) Parcio yng Nghrymych • Mae pobl yn gadael eu ceir am sawl diwrnod yn y llefydd parcio yn y stryd yng Nghrymych. Mae arwyddion yno ond does neb yn cadw golwg. Mae gofyn bod warden yn dod heibio. (ix) Station Road, Crymych • Mae cwynion am y sbwriel yn Station Road a Maes y Frenni eto,	Bethan i roi gwybod i Shôn am yr arwydd Dim Cŵn Bethan i roi ofyn i Shôn drefnu i Adran Priffyrdd y cyngor glirio draeniau Maes Meigan, i dorri clawdd wrth Pantyderi a gofyn am ddanfôn warden traffig i Grymych
--	--	---

	mae sawl un wedi cwyno yn y gorffennol ond mae'r sefyllfa wedi aros yn debyg. • Cytunwyd bod angen gofyn i swyddog iechyd cyhoeddus y cyngor ddod i'r cyfarfod nesa i roi cyngor am bethau fel hyn. • Bydd angen rhestr i gwestiynau ac ati o flaen llaw, er mwyn iddo feddod aton ni â gwybodaeth.	Cris i wahodd y Swyddog Iechyd Cyhoeddus i gyfarfod y cyngor cymuned
7. Dyddiad a Lleoliad y Cyfarfod Nesaf	7.30pm Nos Iau Mawrth 7 Llyfrgell Crymych	